

三教聖人主，不斷戮力膺，萬仙同卻孽，莫使劫復仍，人能增善德，乃助衆仙神，仙人同配合，天地劫自澄，末世多教化，頓使衆生明，三才能配合，衆志即成城，修道非爲己，衆生力舉擎，人能修眞德，二者得善兼，一道行教化，勸人將善添，修己即修人，修德沐於天，見善能行善，眞理亦昭然，重復一花甲，天地已安寧，厚望衆生者，學道最爲先，敬謝三教主，更謝衆聖仙，雲長一點意，敬謝在壇前。

靈侯大帝示 壬子六月二十四日（一九七二）

養性葆命，眞道是求

善德行來在道中，三才之內積勳功，衆生欲得仙佛體，內外同修煉性功。

人性之也，其原本善，先天一炁，無人無我，無色無相，此原性也，性存先天，命入後天，一着於世，先後二天混爲一體，性命相結，即凡夫也，俗塵情慾，染於人身，六慾七情，蔽先天之質，是故一入後天，茫茫然固不知其所自來也，欲求真道，非先養性葆命不可，性能養，始能修，命能葆，始見眞，一得之微，百德俱現，一德之失，差之千里，煉

道之士，百德俱備，性如明鏡，善功加厚，命葆久長，學道之士，如鐵杵成針，非朝夕可能望於眞道，養性以葆命，內外並行之，時日愈久，道力愈見，永恆以持，而初衷不變者，眞道自現也，當今之世，永恆之志，難觀一二，衆生多嚮往於仙佛之門，而不知仙佛之妙道，能不斷以行，則妙理自生也，願玄門子多參之。

呂祖先師示：

靈侯論性命，性命兩相皈，文意雖簡淺，有爲亦無爲，古今成道者，不沾內外迷，葆得原來性，釋道兩同歸。

太上道祖示 壬子七月初一日（一九七二）

內煉必經法門

無爲應自有爲始，生生滅滅停不了，
聖胎溫養六十週，脫離生生與死死，
罡風不壞眞道身，三才上下任蒞止，
天地造化不滅生，玄門最後階層此。

衆生學道，應作如是觀，履行勿斷，方不負於道也。

*（內修課第十八章另記專冊）參閱內外修篇

眞就，看誰家虛懷若谷，一朝澈透，靈山不遠，最是眞修時候，莫負了三才之秀，最後年華，無爲無咎，天邊明月，盡照人間迷竇。

柳天尊示

從無爲而至眞虛，爲道法之至上

一誠可格天，苦煉得成仙，
達至虛無境，道法乃無邊。

儒聖云，誠可格天地，一誠所至，金石爲開也，可知萬物感以至誠者，則無往而不應，處世亦然，學道必然，世間萬物，欲其器之利者，必先鍛練，如鐵煉則成鋼、鋼加煉，即成精鋼，此萬物之理也，煉道者亦然耳，惟煉之方，除三二法門外，主要之修爲，必從虛以至空，虛空能抱，眞則獨現，人之性，虛實均有，來時則虛，入世則實，虛實混合，難以分解，此後天之人性也，煉道者，必先從實化虛，人間世之六慾七情三毒四關，必先突破，而不遺留於人心之間，始可漸進虛境，先天無爲，後天有爲，欲進無爲之境，應將一切情慾諸件，各別摒除，絕不留於意念之中，循序漸進，必可達到無爲之境，從無爲至眞虛，道法之至上也，果證運元，憑斯造化，如是越五行而登聖域矣，癸丑中節，聊具眞修之理，願與諸道子同勉耳。

呂祖先師示：

今夕何夕，難乎濟聖一臨，文采飛揚，善道於立世者，確可發人深省矣，天尊致詞，引述一道之誠格於煅煉，從叙虛無出入世之法，大可助諸生之修持，歲月不常，月圓不缺，望諸子參悟耳。

呂天尊示 癸丑九月初九日（一九七三）

真誠向道，煅煉見真

真修須向真字尋，玄妙應從道裏求，

外真內假成虛幻，枉有機緣向汝投。

古人之成道者，二真俱在，一者爲真誠向道，二者爲煅煉見真，故苦行之士，雖無大澈大悟，亦可離六道而超五行也，倘智慧雙修，真行真學者，俱多證於一道，近世人心不古，虛言學道者多，實踐而行之者少，沽名之士，每以一道說於人世，外貌岸然，內心雜然，說道則天花亂墜，行藏則六慾俱全，間有信神道而只求邀福，虛言學道以蔽七情，亦間有存心於神佑我者，則信之，仙佛不庇我者棄之，先求多福，再求一道，如此人心，在現今世者，比比皆是，如此以言學道，道焉可成，如是以求其真，其真安在，最可惜者，間有先天不弱，原性特高，既入後天，機緣常住，惟是斯人頑昧，沉醉情慾之中，雖經仙聖疊示玄真，但迷途仍未覺，半途而廢，自毀機緣，蔽先天之性，墮後天之塵俗，殊可惜者，

觀音大士示 乙卯二月十九日（一九七五）

靈臺悟澈，自必返本還原

一念菩提種善根，修來一道却埃塵，
寂寂明明心見性，棄除清欲證本真。

入世之士，混濁隨之，人性本善，自入後天，受俗塵之染，爲七情所擾，遂至原性，漸於迷惘，善則隱，惡則揚，因此人之性，不能明也，後天所見，非虛則幻，是非之門隨處，魔障之道時起，心靈昧，意念迷，一生墮入情慾網中，此後天之境況也，倘不能自拔者，則入六道之門，更有積孽深重者，則反覆輪迴，難於超拔，倘能揭智慧，復靈性，中途悟覺，大道皈依，更能以假我之身，復真我之性，靈臺悟澈，返本歸原，由靜而寂，由寂而虛，虛無飄渺，乃見光明，此明心之道也，繼而棄七情，消六慾，守四關，却三毒，則迷濛之性，漸見其真，此見性之理也，大道當前，釋道同爲一理，成佛成仙，各具夙根，倘仙佛之道，未能全功，若菩提善種，福慧雙修者，亦可格爲神之道也，呂門子弟，多獲福慧雙修，倘能銳意以求真，則聖域之門，亦可進出自如也，願玄門子，參透真諦，阿彌陀佛。

呂祖先師示：

大士說法，乃明心見性之理，寓意深長，文簡而清，實爲學道者之明鏡也，各門人宜多參

之。

濟世聖佛示

乙卯三月二十二日（一九七五）

三期末劫將盡，學道應盡餘年

暮鼓晨鐘響，聲聲遍大千，
末劫期將盡，學道盡餘年，
風聲和鶴唳，傳遍宇宙天，
原人九十億，返旆後先天，
俗世塵中子，迷惘未知先，
性靈原不昧，後天遇迤邐，
原性遭埋沒，頓悟便知機，
九十春花去，三期顛復顛，
蒼天憫衆生，年復又年年，
覺自衆生覺，悟從慧智牽，
二者還一體，原性復先知，
雖爲六慾迷，悟覺頓前非，
失而復得者，雖遲不覺遲，